

§.2. Præterea omnia, et quæcumque privilegia, et indulta personis ecclesiasticis tam secularibus, quam cuiusvis Ordinis, Congregationis, et Institutii, ac Societatis Jesu regularibus super similibus immunitatibus, et exemptionibus per quoscumque Romanos Pontifices Prædecessores nostros concessa ad limites juris communis motu, scientia, deliberatione, potestatis plenitudine, et tenore prædictis reducimus: Illa vero quæ nonnullis Collegiis in Alma Urbe nostra existentibus per dilectos filios Clericos regulares dictæ Societatis Jesu, sive alios quoscumque admittuntur consuetis similiter a Romanis Pontificibus Prædecessoribus nostris concessa fuerunt, quoad victum, et vestitum dumtaxat, non autem, ut vulgo dicitur, a Fundaco, et Magazzino, prout antehac observatum fuit, suffragari volumus, et decernimus.

§.4. Ac demum similia privilegia, & indulta nepotibus, & aliis consanguineis, vel affinibus quorumcumque Romanorum Pontificum Prædecessorum nostrorum pro tempore viventium ab illis respective concessa iidem revocamus, & abolemus, ac revocata, & abolita esse, ac ceteri debere volumus, & statuimus. Declarantes illa nemini eorumdem nepotum sive consanguineorum, vel affinium a die nostræ ad summi Apostolatus apicem assumptionis suffragari posse, & debere, seu potuisse, ac debuisse.

§.5. Per præmissa autem non intendimus revocare exemptiones, & immunitates quibuscumque personis Ecclesiasticis, tam secularibus, quam regularibus de jure competentes, neque Thesaurariis, Appaltatoribus, & Conduktoribus bonorum, introituum, & jurium dictæ Camera nostræ ab ipsa Camera, seu aliis illius nomine in appaltuum, & locationum Instrumentis, & illorum ratione ex contractu, tituloque vere oneroso concessas. Ac insuper a revocationibus, & aliis supradictis excipimus, et exceptas esse volumus, et declaramus immunitates, et exemptiones quibusvis Universitatibus, et personis datas, et concessas in vim contractus ex causa vere onerosa, videlicet congruæ, et effectualis pecuniarum solutionis, et non alias, eidem Camera Apostolicæ, vel ipsis Communitatibus legitime factæ, vel ex aliis rationabilibus causis per Nos cognoscendis, & approbandis, ac etiam declarandis, quas omnes causas onerosas non nisi legitimas, ac licitas, & honestas prout de jure approbare intendimus.

§.6. Et propterea quicumque illas obtinent, eas in dicta Camera, citato dilecto filio ipsius Camera Commissario Generali, verificare, & in ipsa Camera examinari, & admitti facere teneantur, etiam si concessiones earumdem immunitatum, & exemptionum, ac literæ, cedula motus proprii, Chirographa, & alia scriptura desuper emanata, & emanata alias in Camera prædicta admittæ, & admittæ, ac in illa

Privilegia nepotibus Prædecessorum data revocata.

Immunes declarata.

ejusque libris registrata, & registrata fuerint, & sint, quatenus tamen causæ onerosæ hujusmodi pro vere onerosis, & legitimis, ut supra alias in eadem Camera verificata, & approbata, ac prævia judiciali discussione non sint legitime habita: quo casu ad indicationem tantum, non autem ad aliam verificationem eosdem obtinentes teneri volumus, interim vero quoad diu non fuerint verificata, minime suffragari, & præsentis revocationis effectum retardare non posse declaramus.

§.7. Præterea nostræ intentionis non est subrevocationibus, & aliis supradictis comprehendere immunitates, & exemptiones ejusdem Sanctæ Romanæ Ecclesiæ Cardinalibus ratione dignitatis Cardinalatus, nec non Camera prædictæ Clericis Præsentibus, aliisque Cameralibus, qui in eadem Camera sederunt, & sedent, concedi, seu admitti solitas; nec illas, quibus Prælati, & Officiales Romanæ Curie, ac Prælati domestici, Cubicularii secreti, ac Secretarii, & alii Familiæ, & continui Commentales nostri, & Romani Pontificis pro tempore viventis, in rotulo descripti gaudent, & gaudere consueverunt, neque illas ob numerum duodecim filiorum a Prædecessoribus nostris, & aliis supra expressis concessas, quas tamen ad terminos Constitutionis rec. mem. Pii IV. Prædecessoris pariter nostri, et aliarum Constitutionum Apostolicarum super similibus exemptionum declaratione editarum, et ad illas tantum, et pro eo tempore, et personis, ac eo modo, et forma, quibus de jure communi illis competunt, ac alias juxta ipsius juris communis, ac supradictarum, et aliarum Constitutionum Apostolicarum dispositionem reducimus, neque aliter, quam, ut præfertur, sive in possessorio, sive in petitorio suffragari volumus, et decernimus.

§.8. Ceterum Appaltatoribus, Thesaurariis, Depositariis, Commissariis, Exequutoribus, & ceteris Agentibus, & Ministris dictæ Camera, ac Communitatum, & Universitatum prædictarum, earumdem serie præsentium districtius inhibemus, ne contra ipsarum præsentium dispositionem, immunitates, exemptiones, nisi ut supra exceptas, ac eas quas ex causa vere onerosa concessas, in Camera prædicta, ut præfertur, admitti contigerit, ullatenus admittant: & si fecerint, id nemini eorum in suis computis, seu rationibus per eandem Camera admitti volumus, sed eorum damno cessurum esse declaramus.

§.9. Postremo lites quaslibet occasione privilegiorum, ac indultorum, necnon immunitatum, & exemptionum hujusmodi quomodolibet suscitatas, & in quibusvis Tribunalibus pendentes illarum omnium, & singularum statum, et merita, nominaque, et cognomina Judicum, et Colligantium quorumvis, etiam speciali mentione dignorum, et alia etiam de necessitate specialiter exprimenda præsentibus pro

Exemptiones Cardinalium, & aliorum officialium ad minus Constituitur.

pro plene, & sufficienter expressis habentes) a quibuscumque Tribunalibus hujusmodi ad Nos earumdem serie præsentium avocamus, illasque penitus, & omnino perpetuo supprimimus, & extinguimus, & pro suppressis, & extinctis haberi volumus, & declaramus, ac partibus perpetuum desuper silentium imponimus.

Superadditio robur adit.

§.10. Decernentes præsentem literas, ac omnia, & singula in illis contenta, etiam ex eo quod quicumque in præmissis, sive eorum aliquo interesse habentes, seu habere quomodolibet prætendentes, illis non consenserint, aut ad ea vocati, & auditi, seu causa, propter quas ipsæ præsentem emanant, adductæ, verificatæ, seu alias sufficienter, aut etiam ullatenus justificatæ non fuerint, aut ex alia quavis, quantumlibet legitima, pia, juridica, & privilegiata, causa, colore, prætextu, occasione, & capite etiam in corpore juris clauso, etiam enormis, enormissima, & totalis læsionis, nullo umquam tempore de subreptionis, vel obreptionis, nullitatis, aut invaliditatis vitio, seu intentionis nostræ, vel quorumvis interesse habentium consensus, aut alio quovis, quantumvis magno, & substantiali ac inexcogitato defectu notari, impugnari, invalidari, restringi, retractari, in jus vel controversiam revocari, suspendi, limitari, aut ad terminos Juris reduci, sed adversus illas aperiitionis oris, restitutionis in integrum, aut alii quodcumque juris, facti, vel gratiæ remedium impetrari, aut impetrato, seu etiam motu simili concessio quempiam in judicio, vel extra illud uti, seu se juvare posse, neque easdem præsentem sub quibusvis similibus, vel dissimilibus Constitutionum, ac revocationum, & ordinationum revocationibus, suspensionibus, limitationibus, & aliis contrariis dispositionibus pro tempore quomodolibet factis comprehendendi, aut comprehensas ceteri, sed semper ab illis exceptas, & quoties illæ emanabunt, toties in pristinum, & validissimum statum restitutas, repositas, & plenarie reintegratas, ac etiam sub posteriori data, quatenus opus sit, de novo concessas, perpetuoque validas, firmas, & efficaces existere, & fore, suosque plenarios, & integros effectus sortiri, & obtinere, ac ab omnibus ad quos spectat, & quandocumque spectabit, inviolabiliter observari.

Clausula subblata.

§.11. Sicque in præmissis per quoscumque Judices, & Commissarios, etiam causarum Palatii Apostolici Auditores, ac ejusdem Sanctæ Romanæ Ecclesiæ Cardinales, etiam de latere Legatos, & quovis Sedis, & Camera prædictarum Officiales, & Ministros, & alios quoscumque quavis auctoritate, & potestate fungentes nunc, & pro tempore existentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane, si secus super his a quoquam quavis auctoritate scierint, vel ignoranter contigerit attentari.

Bull. Rom. Tom. VI. Par. VI.

§.12. Quocirca dilectis filiis nostro, ac Sanctæ Romanæ Ecclesiæ prædictæ Camerario, seu Procamerario, necnon Vicecamerario, Thesaurario, ac Clericis præfidentibus, Commissario, & aliis Camera prædictæ Officialibus, ad quos spectat, præcipimus, & mandamus, ut præsentem nostram Constitutionem, & in ea contenta quacumque in omnibus, & singulis firmiter, & inviolabiliter observent, & faciant ab aliis observari.

Executores deputat.

§.13. Non obstantibus supradictarum litium pendentia, aliisque omnibus, & singulis præmissis, necnon nostra, & Cancellaria Apostolicæ Regula de non tollendo jure quæsito, ac quatenus opus sit, prædicti Pii Prædecessoris de gratis qualescumque interesse dictæ Camera concernentibus in eadem Camera præsentandis, & registrandis, ita ut præsentem in ea præsentari, aut registrari nunquam necesse sit, aliisque Apostolicis, ac in universalibus, provincialibusque Conciliis editis generalibus, vel specialibus Constitutionibus, & Ordinationibus, necnon quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; etiam immemorabilibus, privilegiis quoque, indultis, concessionibus, immunitatibus, exemptionibus, chirographis, cedulis motuum propriorum, & aliis scripturis, & literis etiam Apostolicis prædictis, & quibusvis aliis etiam, ut præfertur, qualificatis, ac speciali nota, & mentione dignis, etiam si nominatim essent exprimendi, sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis, etiam inexcogitabilibus, & necessario exprimendis, etiam contractus jurati cum Camera nostra Apostolica initi, & Camerali obligatione vallati, & quovis alio robore, & cautela firmatis, editis, seu factis, ac alias quomodolibet in contrarium præmissorum concessis, confirmatis, & pluries innovatis. Quibus omnibus, & singularibus, etiam si in eis caveatur expresse, quod nullo umquam tempore sub similibus, vel dissimilibus exemptionum, & immunitatum revocationibus, abrogationibus, annullationibus, aut aliis quibuslibet contrariis dispositionibus, & Constitutionibus pro tempore edendis comprehendantur, sed semper ab illis excepta, & quoties illæ emanabunt, toties in pristinum, eumque validissimum statum restituta, reposita, & reintegrata. ac etiam sub posteriori data per quascumque personas eligenda de novo concessa sint, & esse censeantur, necnon pro sufficienti eorum derogatione de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes mentio, seu quavis alia expressio facienda, aut aliqua alia exquisita forma ad hoc servanda foret, illorum omnium, & singulorum tenores, formas, & occasiones præ-

Contrariis derogat.

presentibus pro plene, & sufficienter expressis, insertis, ac servatis respective habentes, illis alias in suo robore permansuris, ad premissorum effectum specialiter, & expresse derogamus, ac derogatum esse volumus, ceterisque contrariis quibuscumque.

Publicari jubet.

§. 14. Ut autem eadem presentes literae ad omnium notitiam facilius deveniant: Volumus, & auctoritate Apostolica decernimus, illas ad valvas Basilicae Principis Apostolorum, & Cancellariae Apostolicae, ac in acie Campi Florae de Urbe per aliquem ex Cursoribus nostris publicari, ac illarum exempla ibidem affixa relinqui, quae sic publicatae omnes, & singulos, quos concernunt, perinde afficiant, & ardeant, ac si illorum unicuique personaliter notificatae & intimatae fuissent, utque earumdem praesentium transumptis, seu exemplis, etiam impressis, manu Notarii publici subscriptis, & sigillo alicujus personae in dignitate Ecclesiasticae constitutae munitis, eadem prorsus fides in iudicio, & extra illud adhibeatur, quae praesentibus adhiberetur, si forent exhibitae, vel ostensa.

Dat. die 29. Dec. 1668. An. I. Datum Romae apud Sanctam Mariam Majorem, sub Annulo Piscatoris, die vigesima Decembris 1667. Pontificatus nostri Anno I.

XLIV.

Ex Regest. in Secret. Brev. Confirmatio Patentium Generalis Ordinis Eremitarum Sancti Augustini in ea Prioratus Indorum Provinciae Peruntinae cum diversis Ordinationibus.

CLEMENS PAPA NONUS

Ad futuram rei memoriam.

Supplicatio. §. 1. Exponi Nobis nuper fecit, dilectus filius Dominicus a Cifuentes Frater, & Procurator Provinciae Peruntinae Ordinis Eremitarum Sancti Augustini, quod dilectus filius Hieronymus Valvaforius Prior Generalis dicti Ordinis in vim commissionis sibi a Congregatione Vener. Fratrum nostrorum S. R. E. Cardinalium negotiis, & consultationibus Episcoporum, & Regularium praeposita datae circa Prioratus Indorum sive Domorum dictae Provinciae, in quibus Fratres Doctrinatores, & Sacramentorum Administratores degunt, in primum statum restituendos, necnon vocis activae, suffragique in Capitulis Provincialibus Provinciae huiusmodi praerogativam Prioribus Prioratum, sive Domorum huiusmodi competentem, sive tribuendam, certumque numerum Fratrum Conventualium cuilibet ex Prioratibus, seu Domibus praedictis assignandum, nonnulla aequitati, atque iustitiae consona, prosperoque Prioratum, seu Domorum huiusmodi statui, ac Provinciae praefatae regimini pro futura statuit, & ordinavit per suas patentes lite-

ras desuper emanatas tenoris, qui sequitur. videlicet.

Magister Frater Valvaforius Mediolanen. totius Ordinis Eremitarum Sancti Augustini Prior Generalis licet indignus. Venerabilibus, & dilectis in Christo Patribus, & Fratribus Provinciae nostrae Peruntinae ejusdem Ordinis, ac voti salutem.

Sicuti nullus hominum opus aliquod aggreditur, quin ad illud pertractandum ab optato sine impellatur; Ita nemo ad operandum dexteram suam extendit, quin spe propositi praemii alliciatur. Mirandum igitur nostros in Indiis Doctrinatores, qui diuturno labore animas Christo lucrantur, vel jam lucretas instruunt in Catholica Fidei documentis continuo in vinea Domini laborare nullum reportantes praemium ab hominibus; quinimo mirandum magis est, quod etiam privati nomine, & munere Prioratus in Domibus in quibus, aut sparsim, aut collectim degunt, & quandoque etiam facultate suam ferendi suffragium in Capitulis Provincialibus, non solum non defecerint in laboribus, sed alacriori animo magis in dies animas Christo acquirant. Quocirca tot laborum consideratione permotus R. P. Lector Frater Dominicus de Cifuentes, ut operarii in vinea Domini alliciantur, & de bonis operibus aliquod praemium reportent, perrexit Sacrae Congregationi Eminentissimorum S. R. E. Cardinalium negotiis, & consultationibus Episcoporum, & Regularium praeposita infra scriptum supplicem libellum tenoris sequentis. Eminentissimi, & Reverendissimi Domini. Exponit humiliter EE. VV. devotus Orator Frater Dominicus a Cifuentes Procurator Generalis Provinciae Peruntinae Ord. Eremitarum S. Augustini, quod in dicta Provincia, ab eius primordio, & fundatione fuerunt aliqui Prioratus Indorum, sive aliquarum Domorum, ubi manent Doctrinatores, & Sacramentorum Administratores, qui quidem Prioratus, & Priores illum dederunt suffragium omnibus Cap. Provincialibus, sicuti ceteri Priores Provinciae; Praeter in Capitulis de annis 1649. & 1665. celebratis, non habuerunt vocem activam vigore cujusdam decreti, auctoritate Apostolica pro visitatione emanati a bon. mem. P. Luchino de tempore sui Generalatus, in quo Decreto assignavit quemdam numerum praefinitum Conventualium, ad hoc, ut huiusmodi Domus, vel Priores ejus gauderent privilegiis, ac juribus Prioratus, & in consequens possent suffragium ferre in Capitulis. Verum quia praedictum decretum valde praesudat juri acquisito, & possessioni ipsiusmet Provinciae, praecipue quia ob defectum, & omissionem Provincialis immediate praeteriti, non fuerunt assignati huiusmodi Conventuales in praedictis Domibus ad formam praedicti Decreti: Ideo Orator nomine suae Provinciae supplicat humiliter EE. VV. ut dignentur committere Patri Generali Ordinis, ut restituat d. Domus, ad titulum Prioratus, itaut earum Pri-

Priores in futurum gaudeant, sicut antea gaudebant omnibus juribus, praerogativis, & exemptionibus Prioratus, praecipiendo simul omnibus Provincialibus, quod perpetuis futuris temporibus assignent numerum Conventualium in dictis Domibus juxta Decretum Patris Luchini: Ut sic operarii in vinea Domini praemium reportent pro eorum laboribus. Quas Deus &c.

Decretum. S. Congreg.

Cui a Sacra Congregatione praefata praecipibus Oratoris humaniter annuente, emanavit sequens Decretum, videlicet. Sacra Congregatio Eminentissimorum Sanctae Romanae Ecclesiae Cardinalium negotiis, & consultationibus Episcoporum, & Regularium praeposita, attentis narratis, censuit committendum, prout praesenti Decreto committit Priori Generali Ordinis huiusmodi, ut super expositis, utendo suis jure, & facultatibus, mandet praefatis Domibus, seu Prioratibus assignari numerum Fratrum ab olim Priore Generali Luchino praefixum ad effectum, ut Priores ipsarum Domorum, seu Prioratus suffragium in Capitulis ferre valeant, sicut ceteri Priores. Romae 2. Decembris 1667.

Decretum. P. Generalis.

M. Card. Ginnetus.

E. Episc. Camerinen. Sec. Ideo Nos auctoritate Nobis tradita, ut supra ab eadem Sacra Congregatione, tenore praesentium decernimus praememoratos in supplici libello Prioratus Indorum, sive nomine Conventus, sive Domus, & Doctrinae nomine indicentur loca, ubi nostri Doctrinatores commorantur, & degunt ad pristinum rigorem restituenda praecipimus, ut nulla interposita mora restituantur. Volentes, ut praedictorum Prioratum, sive praefatarum Domorum, & Doctrinarum Praepositi vocentur Priores, & in Capitulis Provincialibus nostrae Provinciae Peruntinae vocem habeant activam suamque suffragium ferant. Mandantes insuper Reverend. P. Provinciali, aut privato cuilibet ex iis Domibus, seu Doctrinis, & Prioratibus tres praeter Priorem assignent Conventuales, qui Priori subdantur juxta Decretum 2. §. de bono regimine Reverendissimi Praedecessoris nostri Pauli olim Generalis Luchini, qui una cum Priore ibidem in eadem Domo, seu Prioratu, aut in eodem Territorio (si Domus, aut Prioratus non habeant sufficientes introitus ad congruam illorum sustentationem) vivant, & commorentur. Ceterum autem si non in eadem Domo, sed in eodem Territorio sparsim eos degere contingat, volumus, & praecipimus, ut in aliquibus diebus anni, aut festis saltem solemnioribus subditi teneantur adire superiorem, itaut omnes simul conveniant, & congregentur in unum. Huiusmodi autem determinationem, & distributionem Conventualium pro singula Domo, aut Prioratu a Patre Provinciali, vel Definitorio factam, volumus per Provinciam palam fieri, & publicari, ut omnibus innotescat, quae quidem omnia, ut supra auctoritate Nobis demandata a Sacra Congreg. Bull. Rom. Tom. VI. Par. VI.

gregatione statuta, & decreta praecipimus Rev. P. Provinciali, Prioribus Definitorii, seu Provincialis, seu privati, ceterisque omnibus Nobis inferioribus cujuscumque gradus, officii, conditionis, & auctoritatis existentibus, in meritum salutaris obedientiae, necnon sub rebellionis nostrae, & excommunicationis majoris, quam hac una pro trina canonica monitione praemissa in his scriptis licet invitati ferimus ipso facto incurrendis poenis, ut observent ad unguem, & debite executioni quantocius mandent. Non obstantibus praedicti Reverendissimi Luchini, aut alterius Reverendissimi Praedecessoris nostri super hoc quomodocumque emanatis Decretis. Datum Romae in Conventu nostro S. Augustini de Urbe die 9. Dec. 1667.

Fr. Hieronymus Valvaforius Generalis indignus. Nostri muneris firmata Sigillo loco + Sigilli Magister Fr. Franciscus Maria Ferragotta Secret. Ordinis.

§. 2. Cum autem, sicut eadem expositio subjungebat, dictus Dominicus praemissa, quo firmius subsistant, & serventur exactius, apostolicae confirmationis nostrae patrocinio communiti summopere desideret: Nos ipsum Dominicum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliique ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, praesertim Hieronymi Prioris Generalis literas patentes cum omnibus, & singulis in eis contentis, auctoritate apostolica, tenore praesentium confirmamus, & approbamus, illisque inviolabilis apostolicae firmitatis robor adiciamus, ac omnes, & singulos juris, & facti defectus, si qui desuper quomodolibet introverserint, supplemus.

Confirmatio Pontificis.

§. 3. Decernentes ipsas praesentes literas semper firmas, validas, & efficaces existere, & fore, suoque plenarios, & integros effectus sortiri, & obtinere, ac illis ad quos spectat, & pro tempore spectabit, plenissime suffragari, & ab eis respective inviolabiliter observari; Sicque in praemissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Decretum irritans.

§. 4. Non obstantibus praemissis, ac Constitutionibus, & Ordinationibus Apostolicis, necnon quatenus opus sit, Ordinis, & Provinciae huiusmodi, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum

Derogatio contrarium

rum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad premissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Majorem sub Annulo Piscatoris die 13. Januar. 1668. Pontificatus nostri Anno I.

XLV.

Breve Beatificationis Rosae de S. Maria Limanae in Regno Peruano Indiarum Occidentium, Tertii Ordinis S. Dominici.

CLEMENS PAPA NONUS

Ad perpetuam rei memoriam.

Exordium.

SANCTAE MATRIS ECCLESIAE, quae virgo casta uni viro desponsata est Christo, gloriosa fecunditas in omni quidem prole, quam per Dei gratiam quotidie profert, multipliciter gaudet in sacris vero Virginitibus, quae studiosa charismatum meliorum aemulatione expertem carnalis contagionis integritatem virtutum floribus exornarunt, ineffabiliter exultat, atque floret, illarumque, quae accensis lampadibus exierunt obviam sponso, & intraverunt cum eo ad nuptias, sublimem gloriam condignis honoribus in terris celebrari decet: ut quae sequuntur Agnum quocumque jerit, luctanti cum saeculi tentationibus infirmitati nostrae adjutorii caelestis opem, atque praesidium a Sponso jugiter impetrare dignentur. In hanc curam Nos ex debito pastoralis officii, quo Catholicae Ecclesiae adstringimur, propensius incumbentes, piis Catholicorum Regum, aliorumque Christianissimorum votis, quibus Ancillarum Dei in caelis regnantium veneratio in terris promovetur, libenter annuimus, sicut matura deliberatione adhibita, ad Omnipotentis Dei gloriam, Ecclesiae honorem, Christianae Religionis robur, ac spiritualem fidelium consolationem, atque aedificationem salubriter in Domino expedire arbitramur.

Motiva.

§.1. Cum itaque diligentissime discussis, atque perpensis per Congregationem Venerabilium Fratrum nostrorum Sanctae Romanae Ecclesiae Cardinalium sacris Ritibus Praepositorum processibus de Sedis Apostolicae licentia concessis super vitae sanctitate, & virtutibus in gradu heroico, quibus Serva Dei Rosa de S. Maria Virgo Limana Tertii Ordinis S. Dominici multipliciter claruisse, necnon miraculis, quae ad ejus intercessionem a Deo patrata fuisse asserantur, Congregatio praefata coram Nobis constituta unanimiter censuerit, quandoque Nobis videretur ad solemnem ejusdem Servae Dei Rosae canonizationem, jux-

ta Ritus ejusdem S. R. E. tuto posse deveneri, interim vero indulgeri, ut in toto Orbe terrarum Beata nuncupetur, hinc est, quod Nos piis, atque enixis Charissimi in Christo filii nostri Caroli Hispaniarum Regis Catholici, ac Charissimae in Christo filiae nostrae Mariae Reginae Viduae ejus genitricis, & totius Ordinis S. Dominici supplicationibus Nobis super hoc humiliter porrectis benigne inclinati: De praefatorum Cardinalium consilio, & unanimi assensu, auctoritate Apostolica, tenore praesentium indulgemus, ut memorata Dei Serva Rosa de S. Maria, in posterum Beatae nomine nuncupetur, ejusque corpus, & reliquiae venerationi fidelium (non tamen in processionibus circumferenda) exponantur, imagines quoque radiis, seu splendoribus exornentur, atque de ea sub duplici ritu recitetur Officium, & Missa celebretur de Virgine non Martyre singulis annis, juxta rubricas Breviarum, & Missalis Romani die vigesima sexta Augusti, quae prima est non impedita post diem vigesimam quartam ejusdem mensis, qua spiritum Creatori reddidit: haec vero in locis dumtaxat infra scriptis, nempe in Civitate, & Dioecesi Limana, ac in Universo Ordine S. Dominici, tam Fratrum, quam Monialium, & quantum ad Missas attinet, etiam a Sacerdotibus confluentibus.

§.2. Praeterea primo dumtaxat anno a datis haece literis, & quoad Indias a die quo eadem praesentes literae illuc pervenerint inchoando in Ecclesiis Civitatis, & Dioecesis, ac Ordinis praefatorum, necnon in omnibus Cathedralibus, & Metropolitanis Hispaniarum, & Indiarum, solemnia Beatificationis ejusdem cum Officio, & Missa sub ritu duplici majori, die ab Ordinario constituta, & intra sex menses promulganda, celebrandi facimus facultatem. Romae vero in Ecclesia S. Jacobi Nationis Hispanorum intra bimestre: postquam tamen in Basilica Principis Apostolorum celebrata fuerint eadem solemnia, pariter celebrari permittimus.

§.3. Non obstantibus Constitutionibus, & Ordinationibus Apostolicis, ac decretis super non cultu editis, ceterisque contrariis quibuscumque.

§.4. Volumus autem, ut earundem praesentium literarum transumptis, seu exemplis, etiam impressis, manu Secretarii praefatae Congregationis Cardinalium subscriptis, & sigillo Praefecti ejusdem Congregationis munitis, eadem prorsus fides ab omnibus, & ubique, tam in iudicio, quam extra illud habeatur, quae praesentibus ipsis haberetur, si fuerint exhibitae, vel ostensa.

Datum Romae apud S. Sabinam, sub Annulo Piscatoris, die 12. Febr. 1668. Pontificatus nostri Anno I.

Rosam Beatae nuncupari jubet.

Officium cum Missa sub ritu duplici majori permittit.

Contrariis derogat.

Transumptis credi mandat.

Dat. die 22. Febr. 1667. An. I.

Damna-

XLVI.

Damnatio, & prohibitio Libri Gallico idiomate impressi sub titulo Ritualis pro Dioecesi Aleten.

CLEMENS PAPA NONUS

Ad futuram rei memoriam.

Proemium.

REDITAE Nobis divinitus omnium Ecclesiarum sollicitudinis ratio exigit, ut Ecclesiae disciplinae, cujus custodes a Domino constituti sumus, ubique conservandae jugiter incumbentes, omni cura, atque vigilantia praecavere studeamus, ne quid in eam irrepat, quo quomodolibet turbari, aut a praescriptis Ritibus ab errare, & via erroribus aperiri possit.

Motiva hujus Constitutionis.

§.1. Cum itaque, sicut Nobis innouit, anno proxime elapso Typis impressus, ac in lucem Parisiis editus fuerit Gallico idiomate liber, cui titulus est: *Rituel Romain du Pape Paul V. a l'usage du Diocese d'Alet avec les instructions, & les Rubriques en Francois*, in quo non solum continentur nonnullae ab ipso Rituali Romano jussu felicis recordationis Pauli Papae V. Praedecessoris nostri edito, alienae, sed etiam doctrinae quaedam, & propositiones falsae, singulares, in praxi periculosae, erroneae, & consuetudini in Ecclesia communiter receptae, atque Ecclesiasticis Constitutionibus oppositae, & repugnantes, quarum usu, & lectione Christiani in jam damnatos errores sensim induci, ac pravis opinionibus infici possent: Nos opportunum huic malo remedium adhibere volentes, motu proprio, & ex certa scientia, ac matura deliberatione nostris, librum sub titulo Ritualis Gallico idiomate editum praefatum, auctoritate apostolica, tenore praesentium omnino damnamus, reprobamus, & interdicimus, ac pro damnato, reprobato, & interdicto haberi volumus, ejusque impressionem, lectionem, retentionem, & usum universis, & singulis utriusque sexus Christianissimilibus, praesertim Civitatis, & Dioec. Aleten. cujuscumque gradus, conditionis, dignitatis, & praeminentiae existant, licet de illis specialis, & individua mentio habenda foret, sub poena excommunicationis latae sententiae ipso facto incurrendae perpetuo prohibemus.

Librum damnat.

Illiusque combustionem jubet.

§.2. Mandantes, ut statim quicumque illum habuerint, vel in futurum quandoque habebunt, locorum Ordinariis, vel Inquisitoribus, qui vero Ven. Fratri Episcopo Aleten. subsunt, Metropolitanis, aut uni ex vicinioribus Episcopis realiter, & cum effectu exhibeant, tradant, & consignent, qui nulla interposita mora exemplaria sibi tradita, & alia quaecumque habuerint, igne comburant, & comburi faciant. In contrarium facientibus non obstantibus quibuscumque.

Dat. die 20. Febr. 1668. An. I.

Datum Romae apud S. Mariam Majorem sub Annulo Piscatoris die 20. Februarii 1668, Pontificatus nostri Anno I.

Decretum in quo Privilegia Sanctae Romanae Ecclesiae Cardinalium testandi de bonis, redditibus, & emolumentis Ecclesiasticis, etiam ad fructus inconsumptos, vel cum aliis ipsorum bonis non commixtos extenduntur.

XLVII.

CLEMENS PAPA NONUS

Motu proprio &c.

CUM a prima nostrae Divina favente Clementia Assumptionis ad Summi Pontificatus Apicem die, impense cogitaverimus Sacrum Cardinalium S. R. E. Collegium, quod uti Senatus Universalis Ecclesiae in excolenda vinea Domini nobiscum assiduo collaborat, & singulos Cardinales tamquam membra ejusdem corporis, quorum consilio, industria, ac opere, tam in spiritualibus universi Orbis Christiani, quam in temporalibus nostrae Ditionis, aliisque negotiis, & rebus quibuscumque Romani Pontificis, uti, & cuncta sedulo administrare consueverunt, amplioribus privilegiis, & gratiis completi, & communi- re, praeterea alii facultates, & privilegia testandi, & disponendi de bonis, ac juribus ab ipsis dum vivunt, quomodolibet acquisitis ex bonis, redditibus, emolumentis, & Juribus Ecclesiasticis, eisdemque in illis succedendi, tam suae dignitatis intuitu, quam in laborum congruam remunerationem per Sedem Apostolicam haecenus solita concedi, gratiose ampliari, & ad fructus etiam inconsumptos, vel cum aliis ipsorum bonis non commixtos, de quibus antehac nullo modo disponere poterant, extendere.

Exordium.

Extensio privilegiorum de qua Rubra.

§.1. Motu proprio, & ex certa scientia, deque Apostolica potestatis plenitudine, & ex mera nostra, & Sedis Apostolicae liberalitate, qua praedictos S. R. E. Cardinales prosequi volumus, privilegia, & facultates testandi praedictorum Cardinalium ad illos etiam fructus extendimus, & ampliamus, qui si naturales sint, & a solo in quo sunt producti legitime juxta rei naturam fuerint sublati, & a manibus Colonorum, vel aliorum quorumcumque debitorum percepti, licet in horreis Ecclesiarum, vel in quovis alio loco adhuc inconsumpti, vel nullo modo aliis ipsorum Cardinalium bonis immixti, aut eorum patrimonio incorporati reperiantur; Si vero civiles sint, postquam dies solutionis advenerit, fuerint per quoscumque debitores quomodolibet persoluti, & ad manus Cardinalium, vel ad eorum Ministros pervenerint, seu in aliquo loco publico ad eorum creditum fuerint depositi, quod etiam servari volumus in terminis quomodolibet debitis pro affectibus bonorum, ac jurium quorumcumque, quos in dictis facultatibus comprehendi volumus & mandamus, si modo quo supra, fructus, tam civiles, quam naturales Conductoribus, & Assiduariis locati, et concessi per illos erunt percepti, quamvis termini solutio-

lutio-

lutionis affectum per locatores fuerint participare conventi.

§.2. Quare distinguendo inter eiusmodi facultates, et privilegia jam concessa Cardinalibus adhuc viventibus, et quodcumque aliis in futurum concedenda, illa favorabiliter ampliamus, et extendimus, ut intelligantur, ac servari precise debeant eque ac si formaliter emanassent cum omnibus, et singulis extensionibus, et ampliationibus predictis, eisdemque illa essent de verbo ad verbum inserta. Alia vero quaecumque in futurum concedenda ad eorum limites concipi omnino debeant, et pro ita conceptis intelligi, et observari, etiamsi diversimode, et contra eorum tenorem extendentur.

Decretum irritans.

§.3. Nos enim ita servandum lege hae perpetuo valitura statuimus, et mandamus. Sicque, et non aliter in praemissis omnibus, et singulis per quoscumque Iudices ordinarios, & delegatos, etiam causarum Palatii Apostolici Auditores, et Sanctae Romanae Ecclesiae Cardinales, etiam de latere Legatos, et Camerarios, ac eisdem Camerae nostrae Apostolicae Thesaurarios, Praesidentes, et Clericos, Collectores, Subcollectores, Ministros, et Officiales quoscumque ipsius Camerae, in quavis causa, et instantia, sublata eis, et eorum cuilibet quavis aliter iudicandi, et interpretandi facultate, et auctoritate, iudicari, et definiti debere, irritumque, et inane quicquid fecus super his a quocumque quavis auctoritate scienter, vel ignoranter contigerit attentari, vel observari.

Derogatio contrariis.

§.4. Non obstantibus, quatenus opus sit, nostrae de iure quaesito non tollendo, ceterisque aliis Cancellariae Apostolicae Regulis, Decretis Cameralibus, Apostolicis etiam auctoritate confirmatis, et roboratis, necnon quibusvis Constitutionibus, et Ordinationibus Apostolicis, etiam Julii Tertii, et Urbani Octavi, et aliorum quorumcumque nostrorum Praedecessorum concessis, etiam iuramento, et quavis alia firmitate roboratis statutis, usibus, styli, et consuetudinibus, etiam immemorabilibus. Quibus omnibus, et singulis, etiamsi pro sufficiente derogatione esset opus de illis, eorumque totis, ac integris tenoribus specialem, expressam, et individuum mentionem facere, seu quavis alia exquisita forma necessario servanda foret, eorumque plenos, ac integros tenores pro plene, et sufficienter expressis, et insertis habentes, perinde ac si ipsa praesentibus individualiter, ac de verbo ad verbum expressa, insertaque forent, ceterisque contrariis quibuscumque specialiter, et expresse derogamus.

Dat. die 28. Feb. 1668. An. I.

Datum Romae apud S. M. M., Anno Incarnat. Dominicae 1668. Pridie Kal. Martii, Pont. nostri Anno I.

XLVIII.

Licentia conceditur Referendariis Votantibus Signaturae Iustitiae nunc, & pro tempore existentibus celebrari faciendi Missam Domi cum solitis restrictivis juxta concessam Clericis Camerae Apostolicae ab Alexandro VII.

Ex Regest. in Secret. Brev.

CLEMENS PAPA NONUS

Ad perpetuam rei memoriam.

Gregis dilectorum filiorum utriusque Signaturae nostrae Referendariorum in Signatura nostra Iustitiae votantium in Nos, & Sedem Apostolicam meritis, gravibusque, & assiduis laboribus, quos pro nostro, & dictae Sedis servitio in administratione Iustitiae laudabiliter sustinent facile adducimus, ut spirituali eorum consolatione, quantum cum Domino possumus, benigne consulamus.

Exordium.

§.1. Volentes itaque dictis Votantibus gratiam facere specialem, et eorum singulares personas a quibusvis excommunicationis, suspensionis, et interdictionis, aliisque Ecclesiasticis sententiis, censuris, et penis a jure, vel ab homine quavis occasione, vel causa latis, si quibus quomodolibet innotata existunt, ad effectum praesentium dumtaxat consequendum harum serie absolventes, et absolutas fore censentes, motu proprio, et ex certa scientia, et matura deliberatione nostris, deque Apostolica potestatis plenitudine, omnibus, et singulis Referendariis dictae Signaturae Iustitiae Votantibus nunc, et pro tempore quodcumque existentibus, ut in privato Domus cujuslibet eorum habitationis, etiam in hac Almae Urbe nostrae Oratorio ad hoc decenter muro extracto, et ornato, seu extruendo, et ornando, ab omnibus domesticis usibus libero, per dilectum filium nostrum in eadem Urbe Vicarium in spiritualibus generalem, quo ad Oratoria in dicta Urbe, et quoad alia extra eandem Urbem per Ordinarium loci respective prius visitando, et approbando unam Missam pro unoquoque die, dummodo in domo hujusmodi celebrandi licentia, quae adhuc daret, alteri concessa non fuerit, per se ipsos, si Sacerdotes fuerint, celebrare, seu per quemcumque Sacerdotem approbatum secularem, vel de Superiorum suorum licentia regularem, sine tamen quorumcumque iurium Parochialium praedictio, ac Paschatis Resurrectionis, Pentecostes, et Nativitatis Domini Nostri Jesu Christi, aliisque Solemnioribus anni festis diebus exceptis, in sua, ac cujuslibet eorum familia praesentia celebrari facere libere, et licite possint, et valeant, ita tamen, ut familiares eorum servitii non necessarii ibidem Missae interessentes ab obligatione audiendi Missam in Ecclesia diebus festis de precepto liberi minime censeantur, auctoritate Apostolica, tenore praesentium licentiam, et facultatem concedimus, et impartimur.

Conceditur licentia prout in Rubr.

Decret.

Clausula sublati & decretum irritans.

§.3. Decernentes easdem praesentes literas semper firmas, validas, et efficaces existere, et fore, suosque plenarios, et integros effectus fortiri, et obtinere, ac illis ad quos spectat, et pro tempore quodcumque spectabit in omnibus, et per omnia plenissime suffragari; Sicque, et non aliter in praemissis per quoscumque Iudices ordinarios, et delegatos, etiam causarum Palatii Apostolici Auditores, ac Sanctae Romanae Ecclesiae Cardinales, etiam de latere Legatos, et quosvis alios quocumque praeminentia, et potestate fungentes, et functiones, sublata eis, et eorum cuilibet quavis aliter iudicandi, et interpretandi facultate, et auctoritate, iudicari, et definiti debere, ac irritum, et inane, si fecus super his a quocumque quavis auctoritate scienter, vel ignoranter contigerit attentari.

Contrariis derogat.

Dat. die 14. Martii 1668. An. I.

§.4. Non obstantibus Apostolicis, ac in universalibus, provincialibusque, et synodalibus Conciliis editis generalibus, vel specialibus Constitutionibus, et Ordinationibus, ceterisque contrariis quibuscumque. Datum Romae apud S. M. M. sub Annulo Piscatoris, die 14. Martii 1668. Pontificatus nostri Anno I.

XLIX.

Ex Regest. in Secret. Brev.

Super contributione Ecclesiasticorum Regnorum Castelle, et Legionis 19. millionum cum dimidio Regi Catholico facienda.

Charissimo in Christo filio nostro Carolo Hispaniarum Regi Catholico.

CLEMENS PAPA NONUS

Charissime in Christo fili noster salutem, & apostolicam benedictionem.

Proemium.

Orthodoxae fidei conservandae, et propagandae zelus, ac singularis in hanc Sanctam Sedem devotio, aliaque multiplicia merita, quibus clarae memoriae Reges Hispaniarum Catholicorum progenitores tui eximie claruerunt, necnon praecleara, quae in ista tenera etate tua elucet ad virtutem indoles ex qua firmam concepimus in Domino spem, atque fiduciam, fore, ut succedentibus tibi cum Dei benedictione animis, majorum tuorum vestigiis inherendo, non minori Regiarum virtutum fulgore resplendas, plane exigunt, ut subsidia pro ejusdem fidei, et Dominiorum tuorum praesertim adversus haereticorum conatus defensione a tuis subditis prompte tibi oblata, quantum cum Domino possumus, ac prout postulare videtur temporum conditio adjuvemus.

Supplicatio

§.1. Cum itaque Majestatis tuae nomine Nobis super expositum fuit, laici subditi tuorum Regnorum Castelle, et Legionis in eorum Comitibus, seu Curiis inscriptum subsidium Majestati tuae praestare prompte

obtulerint, et ad praedictum effectum consenserint impositioni Gabellarum, seu Sifarum super vino, aceto, oleo, et carne videlicet octavae partis specierum, vel praeii vini, aceti, et olei, ac ultra sillas super carne antea impositas, et trium regalium pro quolibet capite pecudum, et trium morapetinarum pro qualibet libra carnis, quae minutatim venditur, sedecimque morapetinarum pro qualibet mensura arroba nuncupata vini sifati, alteriusque morapetini pro qualibet mensura acumbre nuncupata vini etiam sifati, ac sedecim morapetinarum pro qualibet mensura olei arroba nuncupata, et quatuor morapetinarum pro qualibet libra candelarum de Sevo, et Saponis, vel alias verioribus quantitatibus impositarum, et auctarum, quae sint exigenda, et percipienda durante sexennio, incipiendo a prima die Augusti currentis An. 1668. nempe pro summa decem, et novem millionum cum dimidio alterius millionis ad rationem trium millionum, et ducentorum et quinquaginta millium ducatorum monetae Hispaniae quolibet anno praedicti sexennii solvenda ex praedictis gabellis, seu sillis super praedictas rerum species, ut praefertur, impositis, et auctis, itaut omnes tam Laici quam Ecclesiastici praedictorum Regnorum non solum ementes, et vendentes, sed etiam illi, qui praedictas rerum species percipiunt ex propriis terrenis, vel affectibus, aut respective emunt in uvivis, vel olivis, seu colligunt pro Decimis, aut etiam dono accipiunt, seu alias ex quovis alio reddito, et introitu habent, et consumunt, itaut omnes laici, cujuscumque status, gradus, et conditionis, ac praeminentiae ad id subsidium contribuere, ac gabellas, seu sillas hujusmodi solvere deberent, nec ullus laicus immunitis, aut exemptus esset, Ecclesiastici quoque eorumdem Regnorum, si et postquam nostra, et hujus Sanctae Sedis licentia, et approbatio accesserit, in subsidio hujusmodi scilicet in praedictis gabellis super eisdem speciebus impositis, et auctis contribuere, ac gabellas, seu sillas praedictas juxta literarum nostrarum in forma brevis super praedicta licentia, seu approbatione expediendarum formam, continentiam, et tenorem, persolvere deberent. Idcirco pro parte ejusdem majestatis tuae Nobis fuit humiliter supplicatum pro approbatione oneris Cleri, Ecclesiarum, locorumque priorum, & personarum Ecclesiasticarum ad contribuendum in praedicto sexennio incipiendo a praedicto mense Augusti currentis Anni 1668., & ut sequitur usque ad mensem Augusti 1674. finiendo in praedictis sillis & gabellis jam ut praefertur, impositis, & auctis pro solutione praedictorum millionum decem, & novem cum dimidio alterius millionis, attento quod ut majestas tua asserit, agatur de communi defensione, et interesse tam Laicorum, quam Cleri, Ecclesiarum, locorumque priorum, et personarum Ecclesiasticarum praedictorum Regnorum, quodque facultates laicorum ad summam

praest.

Annuis Pontificis prout in Rubrica.

Prædictam conficiendam, ea qua expedit celeritate infra tempus opportunum non fuissent.

§.2. Nos igitur nedum promptam, et obsequentem eorumdem laicorum subditorum tuorum erga te oblationem, sed etiam majestatis tuae erga Fidem Catholicam zelum commendantes, et ad ingentes sumptus quibus majestas tua gravatur ob assidua, quae pro defensione Fidei Catholicae, tuorumque Regnorum, et Dominiorum jugiter in pluribus orbis partibus sustinet bella paternae dirigentes considerationis intuitum, motu proprio, et ex certa scientia, et matura deliberatione nostris, deque Apostolica potestatis plenitudine volentes majestatem tuam favore prosequi gratioso, Clerum, omnesque, et singulas Ecclesias, loca pia, personaeque Ecclesiasticas tam seculares, quam cujusvis Ordinis etiam exempti, etiam Societatis Jesu, et Apostolicae Sedi immediate subiecti regulares, necnon Monasteria utriusque sexus, Conventus, et Collegia, ac Capitula quarumcumque Ecclesiarum, Regnorum Castellae, et Legionis praedictorum ac in eisdem Regnis commorantes, et commorantia, et respective consistentes, et consistentia ad conferendum, et contribuendum pro eorum rata ad instar laicorum in dictis gabellis seu sisis quoad praedictam summam dumtaxat decem, et novem millionum cum dimidio alterius millionis praedictorum monetarum illorum Regnorum mediante scilicet solutione praedictarum gabellarum, seu sifarum in praedicta quantitate tantum, et super praedictis rerum speciebus dumtaxat in dictis Regnis colligendis, et consumendis, ut praefertur, impositarum durante sexennio dumtaxat a praedicto mense Augusti currentis Anni 1668, ut praemittitur incipiendo, et ut sequitur finiendum, et non ultra teneri, et obligatos esse, non tamen quoad praedictas rerum species, quas Clerus, Ecclesiae, Locaque Pia praedicta, et personae Ecclesiasticae praedictae ex propriis Terrenis, seu Decimis, et aliis quibuscumque redditibus propriis per se, vel alios, etiam affectuarios suos, vel etiam ex elemosynis sive ostiatim, sive alio quovis modo pro tempore datis, et erogatis, ac ipsis traditis percipiunt, et pro divino cultu, seu propriis, vel familiarum suarum usibus juxta taxationem ubi super his, partes discordes fuerint, ad instantiam cujuslibet earum, expensis tamen perperam contradicentis, per Ordinarios Locorum Ecclesiasticos, seu ab eis deputatos faciendam consumunt, pro quibus omnino immunes, et exempti sint, et elapsi praedicto sexennio, exactio respectu Ecclesiasticorum cesset, et nullatenus quovis praetextu, vel causa continuari possit etiam si integra summa decem, et novem millionum cum dimidio alterius millionis hujusmodi non fuisset exacta, quodque si ante finem sexennii praedicti, summa decem, et novem millionum cum dimidio alterius millionis ducta hujusmodi confecta fuerit, Ecclesiastici praedicti amplius contribuere, & dictas Gabellas, seu Sisas, ut praefertur, solvere non debeant, sed praesens gratia expiret, nullaque sit eo ipso. Quodque Clerus, Ecclesiae, Loca Pia, & personae Ecclesiasticae praedictae durante praedicto sexennio non possint gravari ratione cujusvis alterius augmenti praedictarum Gabellarum, & Sifarum super eisdem, ac novae impositionis aliarum Gabellarum, & Sifarum super quibuscumque rerum speciebus, nec etiam pro portionibus juro nuncupatis de laicorum tantum consensu alias erectis, & impositis, eorumque fructibus, nisi si, & postquam beneplacitum nostrum, seu a successoribus nostris concessum fuerit, alias in quolibet casu contraventionis quilibet contraveniens eo ipso absque alia monitione, & declaratione sententiam excommunicationis majoris reservata illius uti infra exprimitur absolute incurrat, & ad restitutionem illius, in quo excesserit, teneatur, tenore eorumdem praesentium decernimus, & declaramus: Volentes etiam, quod omnes, & singuli Ecclesiastici praedicti solvere recusantes, opportunis juris, & facti remediis per Ordinarios locorum Ecclesiasticos tantum ad solutionem hujusmodi cogantur, non autem coram Judicibus laicis, sive Exactoribus eorumdem Gabellarum, sive Sifarum, neque coram quibusvis aliis Judicibus laicis, aut Ministris sub poena excommunicationis majoris, & aliis poenis a Sacris Canonibus, & Constitutionibus Apostolicis influctis, & comminatis ipso facto sine alia monitione, & declaratione incurrendis a quibus a nemine praeterquam a Nobis, & Romano Pontifice pro tempore existente absolvi, etiam vigore quorumcumque privilegiorum Apostolicorum etiam Cruciatum Sanctae nequeant, conveniri ullo modo possint, seu debeant, sed a praedictis Ordinariis Ecclesiasticis tantum ad solutionem hujusmodi compelli valeant, quibus Ordinariis sub interdicti ingressus Ecclesiae, & suspensionis a divinis, necnon omnibus, & singulis ejusdem Majestatis tuae Officialibus, & Ministris cujuscumque status, gradus, conditionis, dignitatis, & praeminentiae fuerint, ac aliis quibuscumque etiam speciali nota dignis, etiam Apostolicae Sedis Delegatis, & Commissariis etiam Cruciatum praedictae, ceterisque omnibus aliis, ad quos quomodolibet spectat, & pro tempore spectabit, sub praedicta excommunicationis majoris poena, ut praefertur, eo ipso incurrenda, ejus absolute itidem, ut supra reservata, ac sub obestatione divini Iudicii, & interminatione maledictionis aeternae districte praecipiendo mandamus, ne Ecclesias, & loca praedicta, ac Clerum, et Ecclesiasticos, aliosque praedictos indubite, neque ultra, praeter, aut contra continentiam, et tenorem praesentium nostrarum literarum gravent quomodolibet, nec a quoquam gravari permittant, et ne dum contra quoscumque contravenientes, et quomodolibet inobservantes, ad sententiarum

rum, & poenarum praedictarum declarationem, & promulgationem respective, sed etiam contra eosdem Ecclesiasticos, & Regulares etiam exemptos, nobisque, & Sedi Apostolicae immediate subiectos, etiam Societatis Jesu, solvere recusantes ad quancumque simplicem eorumdem Exactorum requisitionem, etiam exequutive, & quancumque appellatione remota, auctoritate nostra procedent.

Mandat quod subditum succedat loco aliorum a Praedecessoribus ordinat.

§.3. Volumus autem, quod istud subsidium respectu contributionis Cleri, & Ecclesiarum, locorumque piorum, & personarum Ecclesiasticarum praedictorum Regnorum scilicet decem, & novem millionum praedictorum ducatorum cum dimidio alterius millionis succedat loco quorumcumque onerum, gravaminum, & impositionum, etiam pro militibus, & aliis quibuscumque impositorum, ac etiam loco quorumcumque aliorum subditorum super millionibus per fel. rec. Alexandrum Papam VII., aliosque Praedecessores nostros habitus approbatorum, & concessorum, ita quod illorum vigore nihil amplius a Clero nec a quoquam Ecclesiarum, locorumque piorum, & Ecclesiasticorum praedictorum exigi possit, quodque pecunie ex praedictis subsidiis, & gabellis, seu sisis, ut praefertur, a dictis Ecclesiasticis exigenda in praedictos, & non in alios usus convertantur, super quo ejusdem Majestatis tuae ejusque ministri, & officialium quorumcumque conscientias oneramus.

Decretum irritans, & clausula sublati.

§.4. Decernentes praesentes literas validas, firmas, & efficaces existere, & fore; Sicque, & non aliter quovis praetextu, ratione, vel causa per quoscumque Judices ordinarios, & delegatos, etiam causarum Palatii Apostolici Auditores sublata quancumque omnibus, & singulis cujuscumque gradus, status, conditionis, qualitatibus, praeminentiae, & dignitatis etiam Ecclesiasticae, etiam individua mentione dignis quomodolibet in contrarium judicandi, definiendi, & interpretandi facultate, & auctoritate, judicari, interpretari, & defini debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio contrariorum.

§.5. Non obstantibus Constitutionibus, & Ordinationibus Apostolicis, etiam in generalibus conciliis editis, privilegiis quoque, indultis, & Literis Apostolicis, Ecclesiis, Regnis, Personis, Capitulis, Monasteriis, Conventibus, Collegiis, & aliis praedictis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus efficacissimis, & insolitis clausulis, irritantibusque, & aliis decretis in genere, vel in specie, ac alias in contrarium praemissorum quomodolibet concessis, approbatis, & innovatis. Quibus omnibus, & singulis etiam si pro sufficienti illorum derogatione de illis, eorumque totis tenoribus specialis, specifica, & individua, ac de verbo ad verbum, non autem per clausulas generales idem importantes mentio, seu quavis alia

expressio habenda esset, illorum tenores, ac si de verbo ad verbum, nihil penitus omisso exprimerentur, praesentibus pro plene, & sufficienter expressis, & insertis habentes, illis alias in suo robore permanentibus, ad praemissorum effectum specialiter, & expresse derogamus, ceterisque contrariis quibuscumque.

§.6. Ut autem praesentes nostrae litterae, cum opus fuerit, ad omnium notitiam facilius devenire possint, decernimus, ut eorum exemplis, etiam impressis, manu alicujus Notarii publici subscriptis, & personae in dignitate ecclesiastica constitutae sigillo munitis, eadem prorsus fides in iudicio, & extra adhibeatur, quae ipsis praesentibus adhiberetur, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 20. Martii 1668. Pontificatus nostri Anno I.

Transumptum fides.

Dat. die 20 Martii 1668. An.I.

L.

Indultum Regi Christianissimo nominandi ad quaecumque Monasteria, Prioratus, Dignitates, etiam majores, & principales, aliaque Beneficia quaecumque (exceptis curatis) in Civitatibus Meten., Tullen., & Viridunen., eorumque Territoriis dicti Regis Ditioni, & Dominio temporali de praesenti subiectis.

Ex Regest. in Secret. Brev.

Charissimo in Christo Filio nostro Ludovico Francorum Regi Christianissimo.

CLEMENS PAPA NONUS

Charissime in Christo Fili noster salutem, & Apostolicam Benedictionem.

§.1. CUM fel. rec. Alexander PP. VII. Praedecessor noster eximius majestatis tuae, ac progenitorum, & majorum tuorum Regum Christianissimorum, Principum longe clarissimorum, invictissimorumque Christi Athletarum, ac egregiorum Sedis Apostolicae cultorum promeritis adductus, majestati tuae quoad viveres jus nominandi ipsi Alexandro Praedecessori, & pro tempore existentibus Romanis Pontificibus ejus Successoribus personas probatas boni nominis, & secundum Sacrorum Canonum dispositionem idoneas, ad Cathedrales Ecclesias Metten., Tullen., & Viridunen. Civitatum a Te possessarum quoties illas quibusvis modis, & ex quorumcumque personis, non tamen per obitum apud Sedem praedictam, vacare contingeret per eundem Alexandrum Praedecessorem, ejusque Successores praedictos ad nominationem hujusmodi eisdem Ecclesiis respective praeficiendas reservaverit, concesserit, & assignaverit, & alias prout in ipsius Alexandri Praedecessoris litteris desuper in simili forma brevis die 11. Decembris 1664. expeditis, quarum tenorem praesentibus pro plene, & sufficienter

Indultum, alias concessum Regi Franciae nominandi ad beneficia.

H h

expres-